

Naalakkersuisut Siulittaasuata Naalakkersuisoqarfia

Nunami namminermi pissutsinut ingerlatseqatigiiffinnullu immikkoortortaqarfik

Landsstyreformandens Departement

Hr. inatsisartuni ilaasortaq Kuupik Kleist
c/o Inatsisartut Allattoqarfiat
Maani

Nunarsuarmi aningaasarsiornikkut ajalusoorneq pillugu Inatsisartunut ilaasortap Kuupik Kleist-ip § 36 apequtaanut akissut

Inatsisartut suleriaasissaanni § 36, imm. 1 naapertorlugu allakkatigut 23. januar 2009-imeersutigut nunarsuarmi aningaasarsiornikkut ajalusoorneq suliffeqarfinnut Namminersornerullutik Oqartussanit tamakkiisumik ilaannakortumilluunniit pigineqartunut qanoq tamanna sunniuteqarnerseq Naalakkersuisunut apeqqutigineqarpoq.

26. januar 2009
Sags nr.
2009-015000
Dok. nr. 133343
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Apeqqutigineqartut matumuunna akissuteqarfigineqassapput.

1. Nunarsuarmi aningaasarsiornikkut ajalusoorneq suliffeqarfiit Namminersornerullutik Oqartussanit tamakkiisumik ilaannakortumilluunniit pigineqartut aningaasarsiornikkut tamatuma ajornartorsiulersisimanagerai imaluunniit ajornartorsiulersikkumaarnerai ilimagineqarnerseq, paaserusullugu qinnutigaara.

Akissut:

Aningaasarsiornikkut pissutsit massakkut atuuttut eqqarsaatigalugit tunngaviusumik erseqqissaatigineqassaaq pissutsit taamaalisimanagerat nutaajunngimmat. Ukioq ataaseq matuma siornatigulli amerikami tunitsiviit qisuariartalerput "erniakitsunillu taarsigassarsiniartarfii" siullit tigoriaannarnik aningaasaqarniarnermikkut ajornartorsiulerlutik. Piffissami sivirusumi pissutsit USA-mi Europamilu kisimik atuussimapput tamatumani danskit, taamaalillunilu aamma kalaallit, aningaasaat annertuumik eqqorneqarani.

Suliffeqarfiit nunarsuarmi aningaasaqarnikkut ajalusoorneqermit eqqorneqarsinnaanertik eqqumaffisorujussuuvaa aammalu aningaasat nalingisa aammalu niuernermit erniat allanngoranagerisa kingunerisaannik erniatigut tigoriaannarnillu aningaasaqarnermikkut eqqorneqarsinnaanertik ilanngullugu eqqumaffigalugu.

2. Aningaaseriviit aammalu aningaasanik taarsigassarsisitsisartut allat ilisimaneqarluartut Danmarkimiittut nunanilu allaniittut nakkaattoornikuupput. Suliffeqarfiit Namminersornerullutik Oqartussanit tamak-

kiisumik ilaannakortumilluunniit pigineqartut aningaasanik taarsigas-sarsisitsisartuniit nakkaatoortunit eqqorneqarpat?

Akissut:

Suliffeqarfiit Namminersornerullutik Oqartussanit tamakkiisumik ilaanna-kortumilluunniit pigineqartut tunngaviusumik eqqorneqanngillat, kisiannili nu-narsuarmi niuernikkut pissutsit tunngavigalugit taarsigassarsiniartarnej tun-gaviusumik ajornarnerulerlunilu akisunerulersimavoq.

3. Naalackersuisut septemberimi suliffeqarfinnik Namminersornerullu-tik Oqartussanit pigineqartunik taarsigassarsiaannik, Namminersor-nerullutik Oqartusanit qularnaveeqqusikkanik, aningaaseriviit taar-seeqquseriataarsinnaanissaannik piumaffigineqarataarnissaannut sillimmaartaarnissamik isummaminnik allanngortitsisimappat

Akissut:

Naamik. Naalackersuisut tassunga tunngatillugu isummaminnik allanngortit-sinngillat.

Namminersornerullutik Oqartussat pisussaaffii suliffeqarfiit ataasiakkaat ukiumo-ortumik nalunaarutigisartagaanni kiisalu Nunatta karsiata Naatsorsuutaani qupper-neq 17-imi "Pisussaaffigisinnaasat"-ini atuarneqarsinnaapput. Erseqqissaatigi-neqassaaq Namminersornerullutik Oqartussat suliffeqarfiutigisaminut pisussaaffii killeqartorujussuumata.

Namminersornerullutik Oqartussat suliffeqarfiutaasa aktieselskabinngortiternerani tunngaviusumik eqqarsaataasimavoq suliffeqarfiit ingerlatsinerisa qitiusumik allaf-feqarfimmit avissaangatinneqarnissaat, suliffeqarfiit suliassavimminnik ingerlatsi-sinnaanissaat qulakkeerniarlugu politikikkut aningaasaqarnikkulluunniit akuleruffi-gineqaratik. Tamatuma kingunerisaanik suliffeqarfiit ingerlatsinerat qitiusumik allaf-feqarfimmit akuleruffigineqarneq ajorpoq suliffeqarfiillu qitiusumik allaffeqarfimmut ilisimatitsisarnissaminut nukissaajartariaqaratik, suliffeqarfiillu taarsiullugu innut-taasunut pitsaasumik naammaginatumillu akilimmik sullissinissaq samminerusin-naalissavaat.

Inussiarnersumik inuulluaqqusillunga

Hans Enoksen
Naalackersuisut siulittaasuat